

詒

安

堂

二

集

詒安堂二集卷三

葦杭集上

上海王慶勲叔夔著

癸卯秋賦碧螺依然落拓青衫徒呼負負甲辰歲作西
冷之遊冷醉閒吟自謂于山水間前緣頗厚遂以葦杭
顏吾集云

癸卯元旦

晴雲輝曙色鼎鼎歲華新酒剩年前味梅開劫外春柴門
耽寂寞殘夢怯風塵幸擁書千卷平生自有真

寄季平

匆匆小別讀書堂又見春風苗女桑莫怪貪言泉石味最
難消是熱心腸

偏有狂名在酒樓
雄封直壓醉鄉侯
才華畢竟宜收歛
海外還聞有九州

題子研秋懷詩後

不盡歸與興都成勞者歌潮聲千騎疾旅夢一樓多且買
金樽醉休傷鐵硯磨青山遊子淚無計奈伊何

書齊梅麓先生詩後

歸裝幸辦買山錢此頗償來已十年捧檄原知毛義苦辭
官早識范喬賢酒場慷慨無餘子文字殷勤有夙緣不獨
傳名詩卷富海天留得筆如椽焦山聯額半
孫先生所書

和聽翁送別

三箇新水欲平橋一曲驪歌暗柳條自古天涯游子恨不

來南浦亦魂消

讀書偶感

豪傑原無種屠沽未可輕骨悲燕趙客氣塞魯諸生名易
文章著功難口舌爭試看天下事都坐享時平

題聽翁王寅詩草後

鄉愁言不盡倚醉且高歌事怕燈前憶秋疑夢裏過字憑
心血鑄筆有劍光摩詩史真無媿才華豈厭多

題陳托嚴丈詩後

英雄退步任縱橫方朔誰知屬歲星高節寫成千个緣才善
畫竹苦吟熬盡一燈青杜陵詩本關家國白傅才原出性靈
廿載申江橋畔路牙琴又遇子期聽丈已久不作詩近遇
張春水姚野橋諸君

頤多
倡和

題雷研農丈紅萱館

種徧忘憂草詩人寄意深辛勤韓子屋儉約敬姜心彈鋏誰知已牽蘿有賞音酒懷真慷慨還與刺舟尋

上已日有感同蘇子研沈蕙珊作

又是羣賢畢至辰無才貞媿百年身風流雲散誰名士古往今來幾醉人妙語細參齊物論高文直壓永和春桃花開遍城西路攜酒何時更問津

送黃譽青丈歸魏塘兼寄張鹿仙孝廉

綠波暖貼春江淨帆挂東風力偏勁屈指剛逢三月三歸家正值圓圓慶息耕堂上詩人多舞才無礙比懸河著書

不數名山業浮白爭誇金管羅萬里游踪接交趾循聲遠
被羊城市溟雲海氣蒸蒼茫盡入玉溪錦囊裏遊倦歸來
設講堂陰陰桃李藹門牆一燈相續誰稱最只有一星天
上張張郎才調驚凡目不愧薪傳自山谷爲語吟詩莫太
奇須防飛夢來窺讀

夢花橋舟次同季平弟話舊

輕風搖曳蹙微波明月隨人一棹過壯志飛騰慚軾轍故
交零落感羊何謂胡鵠堂阮曉江兩丈先後繼逝無才濟世聊藏拙有筆
盤空且放歌漫道醉鄉天地濶劉伶雖好已成魔弟豪於飲故戒

卽席呈黃硯北司馬丈仁

得慰瞻韓願休嫌御李遲牧民古循吏講學老經師練達
多更事和平不惑時汪洋黃叔度窺測孰能之

一官成一集老輩劇風流廉石充歸橐春雲擁選樓壇宜
執牛耳字尙作蠅頭先生猶能書小楷酒綠燈紅地頻叨侍宴游

葉桐君丈出示無題詩因次原韻

碧城曲焰掩梨雲何止香毫紀錦裙往事難拋蘇學士多
情豈諱杜司空春迷綠野花千樹心醉紅橋月二分海樣
才華閒寄托艷思還比麝蘭薰

譟紅橋舟中卽景

芳樹叢叢合春光簇眼前潮爭橋路狹船護柳陰圓雲勗
天邊雨村攔草際烟蓬窗無箇事兄弟對牀眠

和聽翁感懷韻

同計萍蹤類泛鷗壯懷空寄仲宣樓漫將福分爭青史難
得功名到白頭世事本如棋局變人生易誤稻粱謀紛紛
蠻觸緣何故但博山僧一笑休

散步至洋涇浜

桃花時節我重來往事傷心盡刦灰只有臨風萬楊柳又
開青眼護軍臺

夜同子研季平散步

幽興忽相合驀欣懷抱開人烟團水陸燈火閃樓臺花影
月扶起詩情雲送來得閒且尋樂還約醉深盃

卽事

世人半爲浮名累終日揮毫我亦癡反訝春來詩儻過匆
匆吟過杏花時

寄季平弟樅溪

惟酒能養性且以之合歡不飲胡爲者醉鄉天地寬然而
疏儀狄神禹心先寒衛武作抑戒屢舞羞衣冠劉伶荷鉢
語聊爾寄達觀沉湎旣足慮濡首良可歎心能防禍水何
至興波瀾釀王勢雖赫願上封章彈糟邱臺岌岌幾輩能
身安幸勿誇大戶令我眉先攢

醉後柬蓮溪子研

酒國埋名好何須愛獨醒愁銷雙鬢綠涼暉一燈青影寫
淋漓狀心忘爾我形今宵磨醉墨詩筆也通靈

和聽翁讀梅村詩韻

偏阻升天福名翻累羽毛難逃青史直空羨白衣高末路
心原苦悲歌氣不豪筆端肯涕淚何媿繼離騷

侍家大人同黃震青觀察湯廣甫廣文張鹿仙曹吉
雲兩孝廉張春水徵君曹柂岑蘇子研兩茂才省

園雅集

杖履聲中笑語親彩雲晴吐絳紗新花光艷寫豐臺色詩
思濃分酒國春選勝自爲娛老計齋翁新成別業尋歡同
訂諸同人往游時吉雲擬作太平人還將出處煩商酌莫負他年畫錦身不賦計皆

讀沈文恪公詩集題後

不獨詞華善兼邀特達知直言能致雨

康熙十八年早
詔求直言公應

詔上書越二日大雨盈尺餘事但爲詩人品超文苑書名摘玉墀辦香誰承奉早辨手民資詩板已燬公裔占翁重付揮人

城西看桃花

天桃如錦草如茵踏翠還來約故人殘劫尙餘前度客好花猶是去年春未妨勝地仍攜酒可有仙源許問津紅粉倘知心感慨也應含笑變酸辛

題鍾子英壬寅年詩後

海國多風雨難爲狎痕鷗感君游子恨嗟我故園秋墨浣青衫淚燈煎白屋愁怪他名利藪守鎮幾時休

題于秋泉南湖柳隱圖

碧雲深處儘移家曲曲疏籬抱屋斜指點金風亭子外笛

聲涼煞水漢花

不妨鼓枻任遲遲
酬酢春光仗酒卮
醉臥柳陰無箇事
閒懷惟許白鷗知

移宮換羽易消魂
樂府源流細討論
請出烟波招隱曲
別將風月自成韻

小長蘆恐是前身修到漁家福已真
何日也容閒載酒伴君同作畫中人

金姚蘇卿丈清華見贈之作

不愁白髮損朱顏
位置軒窗水竹間
仰屋只除書可著
看雲便覺意俱閒
偶拈佳句能傳世
鍊得清心早閉關
莫悵猪肝安邑累
聲名端不負名山

丈有鍊心太清圖

偶作

檐漏聲聲忽然止狂飈盡掃雲如紙扶筇來看怒濤飛浪
花直挾蛟龍起偏怪長年胆氣粗挂帆轉向層波裏任爾
低昂了不驚枕樓自有乘風技君不見當年橫海漢將軍
鯨鯢手縛鮫宮底莫謂書生魂易銷弩射三千心亦喜獨
得枚乘筆一枝斜陽淡抹餘霞紫

漫興

襟懷敢向白鷗騎忍恥求名辱自招乳燕有情如惜別海棠無語自含嬌浮生易爲錢刀誤積毀能將志氣銷縱許
緘愁難覓寄鯉魚風裏水迢迢

寄楊肖英

結習難拋翰墨場平生風趣未容忘官私且任羣蛙鬧得
失還占一馬忙傳世文章原磊落依人滋味太淒涼幾時
搜寄詩千首待我親薰百和香

題姚春木丈通藝閣詩後

居然支派少陵分旗鼓誰堪敵此軍老筆倒擰三峽水勝
情高截九峯雲不妨花月供陶鑄自有心肝寫見聞媿我
雷門倉卒逼君苗翻悔硯遲焚

和子研卽景

蕭蕭庭竹兩三竿也有清風捲暮寒香草自應閒處種好
書宜在靜中看一樽酒熟詩成易四面花迷月到難爲惜
春愁無寄託青琴還對水仙彈

和鹿仙憶舊韻

年華楚楚態盈盈
忘花天舊日
盟別有心香堪引夢乍
通眉語已含情癡期
燕子傳芳信
羞被鸚哥識
小名最是
淒涼風雨夜
嘈嘈猶似四絃聲

和東壁題省園原韻

自愛江城僻
時時載酒過屋低
常礙帽徑仄
不成坡小隱
慚元亮揮毫愧永和
支顧弄風月
詩句儲閒哦

檐際晴光展
剛欣客到門
小閣雖近市
老屋似居村
松竹珍遺蔭
冰霜漬淚痕
圈左爲曾大母節孝祠
相看兩不厭
成句還約醉

黃昏

原作

張修府

小築城闕畔探幽蠟屐過竹陰低壓沼花氣潤連坡
水暖魚苗聚林深鳥語和慚非摩詰友翫墅坐吟歌
此地吟窩託幽居好閉門君與令弟季楊雄草元室平讀書於此

杜老浣花村茶竈瓶笙韵書窗屋漏痕他年對牀約

賞折共晨昏

客中寄小瀛

時雨連番檻外催秋懷不共白雲開文章豈爲科名計學
問原從孝友來敢薄封侯無此骨久知濟世重長才憑誰
指引蓬山路忍令簫聲市上哀

吳淞舟次

林密疑無路潮來忽轉風溼雲頽四野殘雨滯孤蓬樹羃

秋烟白花凝戰血紅一江流水急歸夢可能通

舟中寄李平弟

小別緣何事無端比浪遊山川勞客夢風雨厄扁舟酒薄難成醉歌長不解愁池塘春草茂佳句待誰酬

鹿城舟次

昨夜瀟瀟雨湖波分外寬嵐光三面壓水氣一城寒詩夢和鷗淡秋心帶雁酸似來圖畫裏不厭倚蓬看

思序齋寓中題壁

幸得張融岸上舟旁觀憑討客何求胸多塊壘空澆酒庭有梧桐易感秋心靜那嫌居近市山住還似約登樓熱場不信眞忘熱畫舫人偏冒暑遊

聽程靄亭彈琵琶

大絃嘈雜小絃清字字能挑旅客情流盡尋陽江上水何時才謝別離聲

胥江旅次雨後小酌

神龍張鱗怒噴雨堂堂雷鼓何威武直抉銀河水倒流更誰銚石將天補霎時庭院停滂沱彩虹一抹斜陽拖江樓寂寂客罕至賞心且酌金叵羅炎威盡被涼風逐我喜今宵睡應熟夢把青山撫頂誇此番不負頭新沐

陶芸窗丈招飲虎阜

多謝陶彭澤相邀醉百杯月光和笛起花氣撲船來水帶燈痕閃詩憑酒胆裁談心欣舊侶雅抱逐雲閒

喜晤金碧山丈暨令子原卿茂才

意外忽相值招提一再過異鄉情更密往事感尤多殘剗
逃烽火閒懷負薜蘿可憐雙鬢影能耐幾消磨碧翁談及
前年避兵
之事

淚俱下

和作

金垣

寂寂楓江廟

古李王廟爲楓江七廟之一

欣君日夕過俗氛座外

少佳句客中多

叔契紀遊詩甚夥

感舊歌楊柳以春柳詩見

投閒憇薜蘿

寓汪氏思序齋園亭

新詩齊脫稿墨訝兩頭磨

寓齋日占仍用前韻

小住三英市匆匆一霎過夢都如意少酒不敵愁多漫刈

當門草如牽補屋蘿

花甚盛前盆

秋風容易到鐵硯媿遲磨時

趙子謙李伯英
約赴秋闈之信

却寄子研

連宵飛夢過江村，話舊何時共酒樽。
結習難除華士累，傳名誰似布衣尊。
倘開白社懸聯席，好約青山替守門。
却外勞生休問我，近來何處不消魂。

遊劉氏寒碧山莊

屈曲花間徑，高低水上樓。雲鬪千樹影，山逗一簾秋。
荷氣隨風散，蕉心帶雨抽。不堪題壁處，感慨續前遊。

壬辰秋曾同俞子愚

丈過訪
園主人

夜坐

黑甜鄉萬里愁，逼漏聲纖梧葉響如雨。
月光偷入簾影憐。

詩卷之二十一
三
歸壁倚香懶鴨爐添差幸吟懷健挑燈韵默拈

寄內

落拓青衫筆未投難禁踪迹感登樓陌頭楊柳休相問不是封侯是浪遊

初秋

潦草吟懷只自憐客心又觸早秋天材非濟世難輕出詩不驚人怕浪傳四壁微蟲淒似雨半窗涼月淡于烟他鄉滋味渾無賴差覺飄流勝昔年

東金原卿

看花情不厭倚瘦一枝簫詩思含秋健鄉愁仗酒消買空有約作客本無聊且任還家夢相隨早晚潮

寄答春水丈

天憲窮名士傷秋復奈何風塵心枉厭歲月墨同磨偏斬
清閒福惟客感慨歌縱教知已遇時已恨蹉跎

七月二十七日小坐味菜窩燈下作

範水模山幾度過勞人豈止負烟蘿無求終覺人情厚有
夢方慚世味多心事畧憑詩漏洩年華已被酒蹉跎客來
休問文章價奈此荒蕪筆墨何

客館不寐

鼉鼓聲聲急虛堂聞似年峭寒來枕上奇句落燈前月影
酸相照蟲音澀可憐遙知京國士歸思滿江天謂子良

同趙子蔭季平弟赴省試

尋秋又上秣陵船
敢信文章勝舊年
成佛甘居靈運後
着鞭已讓祖生先

謂仲博山
曹吉雲

木雞能到終須養
元豹微窺恐未全

不獨高堂勞望眼
蘭闈還費卜金錢

黃浦曉發和江馨山韻

又作槐黃客蒲帆趁曉風浪花團檣白旭影裏檣紅浦暖
聽孤鶴高飛羨遠鴻早潮秋有力聲滿海門東

楓橋舟次同趙子蘇程蘭汀季平弟飲酒

新月如鉤櫓背明壺觴憑與訂詩盟客懷冷淡偏宜酒醉
語荒唐自有情北斗星高森夜色西風人靜碎秋聲不知
何處寒山寺聽取疎鐘繞夢清

同葛恪庭費石農沈秋卿江馨山荅湖秋望

臨水無多屋圍環盡綠楊波連杉影碧帆閃夕陽黃遠樹
分嵐氣清風烈酒香九龍青似昔轉訝澗聲忙
吟侶萍踪合扁舟喜共過蘆中鷗夢穩雲外雁聲多山色
濃于染湖光皎似磨野人秋未覺猶唱采蓮歌

毘陵舟次東子蔭并示季平

秋色蘭陵任飽看江風涼入客衣單尋常行路談何易到
此方知上水難

詩聖闕

吳頭一水兩州分榷稅樓高倚夕曛計吏踞津常虎視書
生倒篋但鴻文度關漸覺鄉音改行路偏憎暑氣薰頗欲
請繩圖建樹棄繩何必讓終軍

潤州感賦

荒原日落暮烟生四野猶聞太息聲
噓蜃一時遭刲火西
外連雲樓閣皆虛于夷殿沐猴幾日變蕪城沉沙折戟何堪問
墮巢尙未成我亦竄身兵燹隙驚弓重觸故鄉情

新開河口

濤聲直下疾如雷幅幅蒲帆趁晚開
一叟金山浮水面夕陽紅上塔尖來

飛出蟾輝似鏡明一江秋氣擁舟行
涼波豁作琉璃色流水無聲月有聲

東同寓諸君

媿煞鮎魚上竹竿六朝山色幾回看
箇晉吹冷雲千里秋

氣平分月一團烟水茫茫鷗夢澗江天渺渺雁聲酸應知
聚首非容易難得樽前續舊歡

秦淮水榭和伯英韻

麝蘭香襲岸邊舟十里烟波夾畫樓畢竟秦淮風味別垂
楊猶帶六朝秋

玉管金笙共一舟停橈訪遍十三樓簾櫳不放斜陽入讓
與清風送好秋

雨花臺

西來大意無人曉寶誌雲光談了了頑石曾聞解點頭一
天花雨猶飛繞天女紛紛散寶花君王自住梵王家捨身
救苦真多事梁武帝於重雲殿爲百姓設救苦齋億萬金錢贖翠華設遍無

遮法喜食如來不解謀人國可憐殿上荷荷聲索密何曾
佛聽得

騎驢

騎驢來郭外居士學清涼笠影闊秋色鈴聲闖夕陽詩默
千里夢花簇一鞭香得得西風裏閒吟興自長

雞鳴寺

相傳齊武帝出獵至此始聞雞鳴故名

願作雄飛媿雌伏一聲唱罷千聲續起舞曾爲夜半歌劍
光直輩燈痕綠君王數問夜未央月光疑是朝暉光景陽
樓上鐘敲未幾輩宮人催曉妝車駕儘貪田獵去萬戶夢
同天欲曙四野喧傳嗟嗟音官家早到射雕處但知王氣
厭能消諫書不受邯鄲超與居號令多顛倒更步齊風刺

早朝

詩小序雞鳴篇爲刺

齊哀公荒淫而作也

後湖

印元武湖元幕中

以黑龍見故名

黃龍不出黑龍出蔣山王氣猶未畢一道長虹亘遠天山靈曾見來傳蹕旗鼓紛紛起水中鶴鵝聲雜軍威慄萬頃湖波蹙細鱗還隨蘆荻聲蕭瑟嘉名錫後昆明災健兒誰是屠龍才天生豪傑原無種興亡轉瞬真堪哀青旂紫蓋全消影如夢江山喚不回只有遙空濛翠裏一亭分占剗餘灰

臺城

無邊芳草接叢叢猶說蕭梁有故宮好把河山參色相莫將成敗笑英雄郎君著述名偏承佛子因緣夢早空留得

江南三百寺夕陽依舊可憐紅

秦淮櫂歌同李伯英甘勿之張東墅作

涼蓬艇子小於瓜畫槳雙飛只載花誰料篙師猶艷福往來總不脫繁華

世界真疑住碧城歌喉宛轉每三更那須真箇消魂者魂已先消箇裏聲

孫楚樓

百尺樓前月如水子荆當日曾居此酒人一去二千年姓氏猶然挂人齒枕流漱石亦何妨樓中春酒年年香青蓮學士今何往明月窺人尙李唐太白曾飲於此

偕江孚尹遊枕江園

不礙江村僻。園林屈曲通苔粘三徑。碧樹隱一樓。紅山影
窺牆外。松聲走澗東。詩懷幽絕處。都寄夕陽中。

卞忠貞公墓

父爲忠臣子孝子清談之世竟有此大節能增興午光稟
然生氣何曾死白簡飛霜表直言中流砥柱誰堪似那待
青溪力戰時丹心早已輝青史

白門秋感同趙二川子蔭李少雲伯英季平弟作

剪盡疏燈話故鄉。屠龍畢竟技誰長。自來豪傑無酸氣。從
古英雄有熱腸。往事又成棋。一局醇醪且醉酒。千場頗能
學得嵇康懶。怕與天孫鬥七襄。

雷約軒持雲仙校書小影索題

彷彿驚鴻賦裏人梅花端不媿前身誰知清絕羅浮品更

占秦淮一段春

板橋花品以
雲仙爲梅花

才人豈諱說情癡吟到無題艷不支

約軒篠峯皆有
題詞語極艷麗莫惹

春懷勾太緊被他偷見畫眉時

果誰修到做鴛鴦領取南枝第一香我是孤山林處士惜
花心事未能忘

和伯英秦淮漫詠

笙歌拂盡可憐宵眉樣彎彎月許招紅豆盈牀憑記曲青
衫濺淚說題橋幾忘桃葉年年換不信楊枝樹樹嬌敢蹈
司勲輕薄習詩魂漫爲海棠銷

青溪弔古

琵琶彈處總聲吞，往蹟難尋。粉黛痕波影碧，攬桃葉渡淚斑。
紅幻夢花根空餘膩，土埋香骨誰載芳樽？委艷魂風景可憐，都換盡好山青入破籬門。

張麗華葬此

閨中作

聽到春蠶食葉聲，始知辛苦是書生。文章未必全無據，恩怨原來亦易明。
二三場多有警報者早識升沉關福命，聊憑心血博功名。堪憐燒盡三條燭，畢竟丹誰九轉成。

出水西門

葉葉歸帆向晚開，西風捲入暮笳哀。一城秋氣催人去，千里江聲抱郭來。美酒醇濃醺客夢，瘦山蒼似鍊詩才。今宵倘許誇飛渡，猶作滕王閣下猜。

黃天蕩懷韓蘄王

江流疾走聲如雷倉皇南渡君臣哀提兵奮勇扼江口當時功合蘄王推旌旂樓櫓沿江列浪花直濺刀頭血殺盡金人始快心指顧黃龍看殄滅雙揮玉腕鼓聲高更羨夫人膽氣豪忠義一門同激烈鶴河其奈寇遁逃小朝廷已天心定諭功未許操全勝一擊不中將奈何扣馬書生開捷徑太息中興大將才千秋遺恨付低徊風濤此日船頭響猶似鼙鼙戰鼓催

金山

陡闢詩眼界勇陟妙高臺水勢瀆天去潮聲拍岸來僧談兵後事佛亦刻餘灰轉憶韓王戰蒼茫感將才

京口晚眺次江馨山韻

雲氣風吹盡斜陽分外嬌江聲自今古山色豁金焦一抹
彎新月羣帆趁暮潮倚蓬扶淺醉鄉思接迢迢

舟次贈子蔭

草草槐黃一度過年華總被墨消磨名心嶽起胸中久世
事橫翻局上多敢謂塵途稀賞識幸逢滄海定風波雞蟲
得失今休論且自勤揮挽日戈

答伯英兼示季平

結得模山範水緣心胸豈望俗人憐讀書千卷復千卷涉
世一年深一年有福纔容覩翰墨無情何可傲神仙宵來
且試清談興剪燭蓬窗未忍眠

聽松石歌

石高三尺縱五尺橫二尺五寸篆文聽松

書五行沖鉄不可讀舊理惠山寺正廳塔下曾明府文岩承李觀察密園之命移置庭左築亭覆之

不見喬松但見石行草五行是誰畫剔蘚欣逢短李來靈光頓顯陽冰額我謁碑時秋正中涼雲隱約一亭籠那須第二泉嘗到清氣先攜滿袖風

艤舟亭

桂花香不斷直到艤舟亭石氣入秋碧藤枝蟠露青右藤有東坡先生就居舊址銀雲無世態玉局有神靈高誼千秋在難忘屐齒經

山塘

水聲亦愛繁華地流入姑蘇便有情黃葉亂飛峯盡出碧

天如洗雨初晴酒攬花氣先應醉月讓燈光未肯明今夕
詩懷憑艷絕玉簫吹徹已三更

喜晤蔣亦山丈

意外相逢興不孤連宵風雨話姑蘇賞懷各證新詩本執
手仍慚舊酒徒敢說名心難許退自知豪氣未能無十年
多少滄桑感應惹先生笑壯夫

舟子橋舟夜

柔櫓輕拖水際烟茫茫夜色杳無邊波光似鏡難藏月山
氣如雲欲上天但覺今宵詩思湧渾忘異地客心牽吟聲
飛出疎蓬底還恐人疑是謫仙

客夜

娟娟新月挂如鉤添得窗前竹更幽綠酒有情還引夢黃
花無語自成秋怕增鄉思偏聞笛欲緩詩懷且擁裘博得
旁人稱灑落更誰知我感登樓

答廖笠仙

爭語琴心喚奈何通宵還與唱迴波誰言世上閒人少我
覺天涯酒伴多謂陸樹齋金醇甫鍾子良陸尾山諸君花態纖如描病骨筆
鋒銳不斬愁魔無端錦瑟增傷感君新賦悼亡可怪名流太受

磨

同伯英夜話

才如昌谷例多愁儘伴銀燈住小樓桐葉自敲深夜雨竹
枝分助滿庭秋平心論世原存恕冷眼看人每代羞但得

時工貧也好大言轉笑說封侯

寄李吟香丈姑蘇

漫將消息感華顛
畫景分明滿眼前
村酒薄扶詩骨健
水風涼入墨花妍
登臺客老心猶熱
謝病人歸髮未宣
憶否去年今日裏
挑燈題徧薛濤箋

答東墅

煮字何來麗色絲
幾曾閒過少年時
雄心易被微名賺
微骨難求上藥醫
豈有猪肝牽俗累
惜無鶯語喚情癡
君苗筆硯焚猶未休
悵繁華景太遲

詒安堂二集卷四

董杭集下

上海王慶齡叔瑛氏著

子良自都中以下第詩見示次韻却寄

卅年我亦竟無成同此青衫感慨并三徑未容招處士一
壇已足困書生敢云抱璞無知已漫謂吹竽可得名未必
江南遜江北歸昌總要待時鳴

曲高原貴奏陽春古調何心論屈伸入世幾逢青眼客倚
闌須念白頭人文章奪命終疑妄身世如棋莫認真休對
秋風還銷魂閒懷應憶故園尋

贈錢梅溪丈

泳

湘靈名譽滿詞壇筆墨因緣老未闌踪迹漸驚同輩少性

情久作古人看不妨鶴骨齊稱瘦祇讓梅花共耐寒應許
柴門留十日少微星彩映江干

發黃浦作

椅櫂趁潮去欲雨未雨時遠水接前浦四面雲低垂忽然
漏斜照塔影煙中移星光破暝色着意東風吹篷窗一以
眺明月還相窺

五沙道中

東風吹面不知寒佳景還憑放眼觀煙外青浮山一髻雲
間紅漏日三竿花因無恨逢春健詩爲求工下筆難獨倚
柁樓吹鐵笛襟懷浩蕩水雲寬

涇涇

鴟榔聲不止野趣接芳塘遠水拖明練孤村擁夕陽天低
雲愈峭風急樹如狂彷彿青帘外時時送酒香

魏塘舟次與皇甫二憲夜話

釣艇都歸去人家半入煙帆收城影裏船泊柳陰邊詩夢
橫千里春光換一年疎篷鄰舫接絮語共綿綿

烟雨樓

烟雨都收盡晴光護浦樓客來惟載酒波定不驚鷗訪友
孤前約謂于秋泉題詩悵舊遊春風何太急催送木蘭舟時因風利不及

進城

語兒道中

炊烟青不斷直上石門塘濃孕山川色晴薰草木香三篙

添水驛一路接風檣聞道杭州近遙峯漸可望

初到杭州

入年已覺三分春柳色蘇堤早換新明日商量何處去開

宵先約舊遊人

消孫曉峯
夏蓮塘

出松木場至聖因寺歷游孤山斷橋平湖諸勝

扶筇入雲去仄徑穿彎環古寺掩林木似阻遊客攀紅牆
列如畫磈礧鳴潺潺循聲到湖上頓覺開心顏一面倚城
郭三面圍青山路在波光裏身在嵐翠間勝境探未已幽
想超塵寰此時閒我心更比閒鷗閒

晴光浴滿湖日影猶未午春氣欲薰天遙山益媚撲柳眼
漸垂青輕烟散前浦沿堤千萬條絲絲煩風舞綠陰偶缺

處賴石亭臺補小憩且勾留領畧詩境古

月湖景幽佳晴湖亦不惡一碧萬頃烟波紋經繞郭耳轟
輿馬喧靜愛游魚躍幾曲赤闌干時有船來泊酒香林外
飄臨流試斟酌極目渺予懷何處微微波托

梅花落未盡似待我來看香氣颯然至春風尙覺寒逋仙
不可作老鶴飛前灘我欲留題墨方愁吟未安瞥見壁間
詩一唱餘三歎壁間有雷約軒題句

天下山水佳信是杭州最山如浸水中水更抱山外衆峯
高挿雲一江束如帶圖畫自天然絕勝丹青繪風日况晴
佳春光太無賴倘非恣幽尋恐負此芳靄行當結鷗盟來
續題襟會

玉泉觀魚

活潑清泉長不涸大小游魚齊奮躍游客爭將香餌投鮮鱗戢戢真璀璨一片澄波似鏡明千年網罟無人作漫矜變化登龍門未必方池輸大壑浩蕩天機任泳游相忘還比江湖樂

飛來峯

衆山皆蒼莽茲峯獨挺秀天欲炫奇觀飛來自靈巒懸崖如驚禽巉石類猛獸青松頂上盤碧蘚佛頭繡蓮花萬瓣垂日影一線漏微風裏藤蘿真液孕岩竇清泉倒奔出勢欲與石門終日聲潺潺自協宮商奏猿啼久不聞嵐翠還依舊巧勢自天成俗匠安能鏤試問白足禪三昧誰參透

長嘯過溪來閒雲鎖層岫

天竹道中

下山復上山乘興恣幽討一經踏雲來彌覺嵐光好古刹
嵌巖腰處處因地造曲澗萬峯圍怪樹兩岸抱片石駕危
橋流泉喧亂草花氣媚朝晴境僻春偏早回瞻經過處紫
烟蒸瑤瑤

淨慈寺

鐘疑雲外來路自林間入一簇南屏山宿雨猶含濕琳宮
倚嶂開孤墻撐空立隨喜過方丈石累百尺級俯瞰西子
湖萬景此中集波光滑似油亭影圓如笠欲尋溫公書肩
輿下坡急

登吳山望錢塘江

高閣依山起，登臨萬象開。
天難束江住，峯欲截雲來。
帆影翻於鳥，潮聲怒似雷。
何當杭一葦，直上越王臺。

畧辨西興樹，斜陽漏影明。
老魚弄風色，歸雁入春聲。
山峭削成劍，雲雄排作城。
炊烟騰萬竈，偏得此幽情。

湖上晤雷約軒

酒癖詩魔擾，不支漫夫風。
雪一銷持約軒時出示除夕探梅圖，未妨踪跡如萍梗。
同爲年華感，搖綠此地儘。
容開眼界他鄉難，得遇心知西湖月。
休孤負，豈但梅花繫我思。

和約軒五柳居題壁韻

我爲尋春至，君還冒雨遊。
江湖雙蠟屐，身世兩閒鷗。
夕照

懸孤塔波光簇小樓紅闌干上倚詩思總清幽

同雷槐園酒樓小飲

雨中山更媚鼓興共登樓烟景脆如畫風光嚴似秋何人
來放鶴隨處可盟鷗相約重攜酒同爲十日留

訪和靖先生墓

沿堤來訪逋仙宅裏湖外湖夾浪碧信步但從香處行一
路梅花到門白突兀孤山土一杯偏有祠堂三畝闢午夜
風寒鶴不歸想應厭避遊人跡何待詩魂舉酒招玉梅萬
朵皆精魄

葛嶺喜晤葉丈崑池

不見詩人面匆匆又一年閒身惟伴佛佳句可欺仙歲月

浮于夢襟懷鍊自天莫疑超曠甚曾飲稚川泉

湖樓卽景

一片湖光倚檻開青山都浸浪花堆春風計日隨人到詩
思連番仗雨催遍地花香如醉酒隔牆泉落訝奔雷柳陰
搖出瓜皮艇知有山僧訪我來

南屏訪青雨上人

達宣

爲踐詩人約扁舟冒雨尋雲侵禪榻潤花擁石壇深綠酒
餘狂態青山證道心長眉相靜對應許滌煩襟

湖堤散步

門外山山翠作堆春風已向柳梢回出林塔影高於屋過
礮泉聲響若雷白舫閒搖開士去青帘遙引酒人來塵心

到此渾消盡併覺新詩亦懶裁

贈青雨上人

開飽伊蒲饌高談貝葉經湖山吟鬢白風雨佛燈青環凡
花都靜蟠階石亦靈宵深休說法還恐老龍聽

湖樓坐雨同奇園作

寒風挾雨來日夕不曾止急點偶然停溼雲又爭起不辨
南北風茫茫但烟水柔櫓一雨聲知在湖心裏連日看山
忙轉覺今朝美無事儘閒散相偕傾綠燈沉醉雨聲中談
笑惟擁被消受一枕間睡鄉亦可喜清遊眼底多詩句夢
中紀有客來敲門聲聲驚嚴齒忽訝展晴光夕陽在山矣

寄季平弟

日日登臨逸興濃放船才罷又扶筇佛香燒遍三天竺蠟
屐吟過九里松坐看沿堤攢小艇臥聽隔院吼疎鐘新詩
閒向燈前數遊到雲峯第幾重

垂垂柳色未藏煙偏有鶯聲轉樹巔瀑布亂噴青嶂雨斜
陽淡抹碧羅天牆間新筍聞雷長檻外閒花媚日妍畢竟
西湖勝西子年年風月浩無邊

六和塔

松陰直鋪地山勢高參天江光三面抱壞塔擇晴烟繩彼
紺螺色無復鈴聲圓老僧向余話刦火燒前年燭龍自空
降闡繞來相煎炎炎勢莫遏人力安能前幸是泥封固未
致傷其臥吾聞牟尼教神力施無邊何以城門災殃竟浮

居聊可知興廢理佛亦難周旋坐看此塔燬徒惹低眉
談餘各點首謂我真知禪相送下山去來喚江心船

渡江

扁舟棹向中流去無數春山圍悄然划火燒紅半枝塔東
風吹綠一江烟滔滔雪浪欲捲岸葉葉蒲帆如貼天不是
出門親閱歷豈知腳踏此間船

江中渡船半昔脚踏

雲棲

盤盤石蹬沿江入萬个躉管夾道立一路穿雲忘力疲看
山真覺目難給放生園中六畜多雞豕牛羊一棚集池上
流泉題洗心好滌煩襟修綷汲巖腰飄出旃檀香隱隱微
風鼻觀裏梵宇高低林外排處處逢僧逢客揖寺門與馬

何喧聞師臘今朝三百十

是日爲蓮池大師
三百十歲生辰

遙想蓮池定

力真智慧頓開除結習儒冠拋却着緇衣須彌山包粟一

粒匆匆飯畢覓歸途乾翠飛來欲打笠

靈隱寺

不是仙人宅居然佛國天松陰涼襲路竹影淡篩烟聽水
來亭上呼猿到洞邊忽然悟神悅清磬一聲圓

韜光

穿過靈隱寺韜光闢奇境無數青琅玕排擠直到嶺壁蘿
扶瘦筇踏破綠雲影竹簾承仙泉一滴一聲靜羣峯似論
文到此益奇警僧房如旋螺一層換一景下視越州山幾
抹修眉整樹杪迢江光匹練界天冷危樓倚碧岑佳趣全

湖領幽探未能已賴此春晝永金蓮池上聞香欲將詩請
鐘聲何處來彌覺發深省

石屋洞

峭壁忽凹入居然成石屋巖巖駕碧梯天光納深谷空翠
滴不停螺髻儼新沐危巖皆下垂諸佛撐空腹坡老舊題
名剔蘚尙堪讀黛色黑而凝欲捫手還縮夜深戶不扃定
有雲來宿

于忠肅公墓

竟有回天手公真社稷臣官家慙負德史筆替含辛倉猝
成孤注烝嘗肅萬春也應聚頑鐵遍鐫奪門人

水樂洞

路折山始深林邃勢益莽濛迴水一泓地廣不盈丈漚漚
絲竹聲細審音何朗高下協宮商還藉廡磨盪激石忽不
鏘琴筑互相彷節奏出天然應鼓巨靈掌大章與咸池俗
樂豈能倣憶昔賈平章曾來聆妙響奸回豈知音徒辱山
英貺我來值初春洗耳愜清賞泠泠太古音何處着塵想

烟霞洞

天工弄神斧鑿破混沌皴雕作烟霞形石腹逞奇妙十八
應真衆鬚眉都畢肖莊嚴誰琢成靈鷲分孤嶠十二錢王
增威神益陡峭拾級來窮幽洞口覘晴曜天衣五色披虹
影千條耀捫壁入雲竇深窈須燭照土氣侵衣寒濃綠迷
奧窓清談聲摩空誤引猿欲嘯雲容變化多處處奇峯繞

山靈應笑余偷得幾詩料

下翁家山至理安寺

一峯環一峯叢木翳翠阪曲徑如蛇盤行盡不知遠忽聞
雞犬聲孤村倚層巒高下數十家泉水共一堰穿過楊柳
嶺山形復蜒蜿春氣媚山花態益增縹緲幽禽不住啼石
罅濃雲偃松際寺牆紅遙逗斜陽晚急問贊公房脫粟謀

一飯

松嶺閣和壁間姚野橋韻

滿地松陰滴翠涼午尋峭壁截天長鐘聲圓抱山腰壯花
氣濃熏佛面光小鳥也知貪地靜老僧偏慣肅賓忙留題
誰爲紗籠句孤負詩人鬚已蒼

湖上雜詠

尋山與馬日紛紛纔出城闕便水雲占得玉蓮亭一角
憇波憑與白鷗分

自是行盡接蘇堤柳色青青放欲齊畢竟西湖春事早樹
頭已有曉鶯啼

鏡樣湖光十里澄憑教船價入春增片帆高挂壺天月只

載雲堂粥飯僧

湖中艇子皆用蒿櫓惟雲林寺齋飯船獨帆橘

多謝春風爛漫晴尋山問水暢幽情喚船日日茅家埠贏
得篙師識姓名

隱隱遙山隔翠烟閒行最好雨餘天斜陽已上黃妃塔尙
有遊人放畫船

九溪十八澗

言尋九溪十八澗山僧導我來琳官層巒疊嶂互環抱幾
疑無路能相通陰崖猶浸古時綠岩花新借春光紅千仞
峭壁拔地起釣連草木遞叢叢谷底蟠蛇散毒霧洞邊嘯
虎吹腥風高低岩竇瀉靈乳縱橫溪澗分西東奔波屈曲
赴滄海流聲日夜無終窮翠微深處不可止無邊嵐氣霏
晴空忽聞人語自天下峯腰缺曲來樵童幾泣寒碧掠衣
過此身如鳥初離籠林間隱約木魚響驚看脚底炊烟烘
遙指翁家山下屋人家都束浮雲中

龍井

青山迎面來步步得佳趣仄徑誤人行又入雲霞路洞壑

相鈎連流泉伏深樹遙見白雲中一與如鳥度高岡過未
半清磬山花霧循聲至上方寒烟溼芒履可惜好邱壑山
靈不掩護林几宇半榛蕪布地金誰募破屋三四椽僅留老
僧住剩有頑石頑蹲踞仍如故

岳鄂王墓

未抵黃龍飲空留萬古忠寧臣無賴賊天子可憐蟲氣鬱
風雲慘心標筆墨雄江山擇半壁還仗十年功王有遺集
雄邁絕倫

錢塘懷古

厯厯興亡跡未遙鳳凰依舊擁岩堝開疆幸雪吳兒恥破
敵還馮越女嬌分得靈踪天竺國未消餘恨浙江潮大觀
亭榭無從問剩有西湖慰寂寥

勁弓射落水犀驚尙有濤聲夜入城符命何曾期後嗣君
王歎信幻他生非關遺業輕拋棄要使羣黎息戰爭開向
表忠碑畔立順天心事有公評

王文成公題錢武肅
王廟有順天者序頌

十三陵樹那堪尋想到中興感不禁和議釀成南渡局偏
安灰盡北征心湖山錦繡朝廷小宮殿淒涼雉兔深遙指
番王墳畔路南枝千古鬱森森

閩馬丁當禍早催襄樊烽火燭天來燭牛自樂封圻界蟠
蟬偏煩宰相才江水無情甘縱敵黍離滿眼且銜杯汴京
失後臨安失一樣河山付草萊

大佛寺

紅牆裏岩腹碧樹絡湖根石幕雲光潤泉爭谷口喧客還

隨月到詩且與僧論清絕招提境春風醒柳魂

贈李小瀛離尹

軟紅聊現宰官身偏向西湖結淨因判斷風花憑醉筆料量山水仗才人吏醜佳句先非俗交爲多情勝飲醇小住自嫌行色遽題牋還更媿陽春

湖上散步

果然宜雨復宜晴山水流連劇有情竹徑遙通雲外寺柳陰濃抱岸邊城春含嵐氣三分醉詩較波光一樣清不礙風流叢裏過畫船多半玉簫聲

湖樓卽事柬李少雲

西湖景色太寥寥還恐舟青未易描野水平扶鷗夢穩春

風狂蹙馬蹄驕爪皮只載兩三客柳線剛抽千萬條此福
何人能獨享清緣應付謫仙消

晚眺

細雨初停夜寂寥客窗無賴一燈挑烟糊樹影連山失風
約鐘聲過岸消除明月豁如呈佛面斷雲預欲偃山腰遊湖
最好新晴後還擬來朝訪六橋

留別西湖

閒緣也自結西湖一月居然住畫圖祇塊囊中詩筆瘦山
靈難許比髯蘇

清樽相對酒家樓且爲諸公更少留最是多情萬楊柳一
齊青眼送行舟

松木堤

仄徑雙堤接清流萬壑通人家雲影外僧市水聲中山盡含情碧花驚刺眼紅歸程蓬底記安穩託帆風

舟中同陸奇圓話小青事

婉絕西湖一角春蓮花原與佛爲鄰世間幸有却香地天上應無如婦津仍許談詩同小妹小青女弟紫雲有妙任山樓詩亦葬孤山將好夢補前身小鷗波館湘玉夫人爲小青後身多情不是陳鶯座更倩誰憐薄命人小青墳近爲陳伯明府新修